

Universitätsbibliothek Paderborn

Impius Infelix

Texier, Claude

Augustae Vindelicorum [u.a.], 1695

S. Joannes fuit discipulus, quem diligebat Jesus.

[urn:nbn:de:hbz:466:1-45950](#)

PRO FESTO
S. JOANNIS EVAN-
GELISTÆ.

Conversus Petrus vidit illum Discipulum, quem diligebat Jesus. Joan. 21. v. 20.

Cant. I. 6.

SPonsa suum inquirens Sponsum aliud ei prædicatum non attribuit in Canticis, nisi dilecti: *Indicat mihi, quem diligit anima mea;* probè gnara, interprete D. Gregorio Nysseno, quod honorifico magistri titulo ipsum compellare non possit, nec suaviori, quam hoc, qui exprimeret potentiam dilectioni Sponsi in cor Sponsæ diligentis.

Matth. 3. 7.

Ipse Pater æternus publico & vivæ vocis oraculo suum deprædicaturus Filium, nobisque rem quandam suæ gloriæ manifestare volens, illum non vocavit characterem vivum suæ substanciæ, splendorem paternæ gloriæ, Divinæ suæ majestatis perfectum prototypum, suum Verbum, Virtutem, suam Sapientiam; sed solum objectum suæ complacentiæ, & suum dilectum Filium nominat: *Hic est filius meus dilectus, in quo mihi bene complacui.*

S. Joannes ergo falli minit. . . otuit, quando ex infinita propemodum titulorum, quos jure sibi vendicare poterat, congerie, magis gloriosum nullum esse, nec Deo acceptiorem, præter istum, judicavit: *Quem diligebat Jesus. Relinquamus proin nomen grande bonaerges, filii tonitruis,* quod

quod quidem ipse Magister ei imposuit, omittamus amplissimum prædicatum Apostoli Afiae, Episcopi Ephesini, fundatoris Ecclesiarum Smyrnæ, Pergami, Philadelphiæ, Laodiciæ, aliorumque oppidorum innumerabilium. Nec mentionem faciamus illustris qualitatis, seu propinquitatis, quâ carnali Christi consanguinitati erat coniunctus. Silentio involvamus magnificos titulos Evangelistæ, Prophetæ, Martyris ac Virginis; is enim jam dixit omnia ad sui gloriam splendidius illustrandam spectantia, quando se prædicavit *Dilectum Jesu*, seu, quem diligebar *Jesus*. Sicut rivi, maris profundum subeentes, suum nomen amittunt, ita videtur S. Joannes, omnes suos honorum titulos in inscrutabili Divini amoris pelago sepeliisse, voluisse, contentus esse solo *Dilecti* nomine, quasi reliquorum oblitus. Certum est, omnes Panægyres, istius Divi honoribus adornandas, ad explicationem hujus amabilissimi attributi esse ordinandas. Ut autem & nos dignè loquamur de ejus præstanti excellentia, æquum est, ut nos conferamus ad Spirituum Sanctum mediante illius suffragio, cuius quam plurimum & speciatim interest, dignis celebrati laudibus S. Joanneum, qui *dilectus Jesu* esse nequit, quin simui esset, *dilectus Mariae*. Salutemus hanc itaque, ei dicendo: *Ave Maria*.

Quantumvis eximus fuerit Politicus Rex Theodosius, erroris tamen argui merebatur, quando dixit, prout Cassiodorus Secretarius ipsius refert, characteristicam esse infallibilem, eum hominem summis esse præditum meritis, qui à summis capitibus, Regibus sc., amaretur: *Non est maius meritum, maxima illius est, quam gratiam invenisse regnantium*. Coronati licet principes non sunt semper errore immunes in electione suorum amicorum: idem ipse

ipse Rex meminisse debuisset, quod in epistola tertia dicatur, quod nimis apud Reges duo & differentes reperiantur fontes, unde promanarent omnia bona, quae sibi subjectis conferrent, gratiam & judicium, favorem & rationem; quodque magnates in dispensatione beneficiorum suorum non semper attenderent judicium ac rationem, sed spectarent saepius in remunerando proprium amorem & inclinationem erga suos: *Alios estimatione subvehimus, alios gratia promovemus, primus est debitor judicii, alius obnoxius est favori,* Solus Rex Regum, Christus Jesus, qui juxta Tertulliani mentem est Ratio Patris & Sapientia incarnata, falli non potuit in suorum amicorum delectu: etiamsi S. Joannes excellentibus iis prærogativis & meritis, quibus à Christo promerebatur præferentiam in teneritudine amicitiae Divinae, dotatus non fuisset, ipso amor, quem erga eundem gesit, & sola Filii Dei electio, amicum in tantum dignificasset, ut justificaretur bonitas istius electionis.

Pro cuius meliori intelligentia, observari velim, duplum in Deo dari amorem; unus est antecedens, operatus & efficax, qui non presupponit objectorum meritum, sed producit primum, eaque adamando, amabilitas reddit. Alter est amor consequens, approbationis & complacentiae, vi cuius Deus amorem impendit objectis, quae jam amabilitas effecit. Quocunque jam modo amorem Jesu sumatis, idem est, prædicare magna, recensere illustria de S. Joanne, ac pronuntiare, quod sit *Dilectus Jesus;* siquidem hoc est, asserere, quod Jesus illum reddiderit amabilissimum, & quod ipsum multum sanè amat.

Evol.

Evolvamus in priori istius discursus parte testimonia DIVISIO.
amoris singularis Christi erga Sanctum Joannem: in pos-
teriori videbimus, quām perfectē discipulus reciprocārit
hunc amorem erga suum magistrum; &c, si plus fuerit
amatus, quōd plus pariter illum amaverit.

Ecclesia Catholica officio hodierni festi inseri cura-
vit verba, quibus comprehenduntur privilegia amoris sin-
gularis Iesu: *Valde honorandus est beatus Joannes, qui supra
pectus Domini in cœna recubuit, cui revelata sunt secreta cœle-
stia, cui Christus in Cruce matrem Virginem Virginī comen-
davit.* Peculiari, censendus est merito dignus honore,
qui peculiari huic correspondet amori, à Christo in cœ-
na, in Cruce sibi exhibito, ibi per revelationem ar-
canorum Divinitatis, hīc per donationem Dei Ma-
tris.

Videtis, quōd Ecclesia verbis illis demonstrat, S.
Joannem maximum, simūlque opulentissimum amico-
rum Christi fuisse, cui credita fuerit possessio cordis, secre-
ti, & thesauri Regii.

Primò, *cor possidendum accepit dum supra ipsum
recubuit: Supra pectus Domini.* Secundò, *secretum, utp.
cui speciatim revelata dicuntur secreta cœlestia.* Tertiò,
Regis thesaurum, id est Christi matrem. *Cui Virginem ma-
trem Virginī commendavit sub Cruce.* Ilustremus clarius
triplicem istum conceptum.

Imaginamini vobis, quæso, beatissimum hunc Apo-
stolum inter brachia Jesu tempore ultimæ cœnæ dulcem
sonnum capientem, considerate amabilem istius situs
compositionem, quām suavi sopore omnes Discipuli hu-
jus sensus sint oppressi, ipse penitus in sinu Magistri sui ja-
cebat absorptus, qui suum brachium blandè demittens

G g g

supra